



U ovom broju:

Budžet za 2011.

Usvojen izvještaj o realizaciji kapitalnih projekata za 2010. godinu

Izabran novi predsjedavajući Vijeća

Posjeta Mandataru Vlade ZDK

Prva emisija općinskih obveznica u FBiH

Ponovo stipendije svima

Projekti NVO

mart/ožujak 2011.


OPĆINA TEŠANJ



Samir Brka

Munevera Sejmenović

Sabahudin Omerbašić



UPOSLENICI GODINE 2010

Samir Brka, puna posvećenost dosljednom planiranju i praćenju realizacije budžeta. U veoma nepovoljnim okolnostima Općina Tešanj zadržala stabilnost budžeta, bez rebalansa u 2010. godini sa izvršenjem ručnih varrednih posljedica (kizišta).

Munevera Sejmenović, tokom godine je stiglo više pohvala građana za odnos prema strankama. Izuzetna ažurnost i slijedivost obaveza. Preuzela novu obavezu u okviru postojećeg radnog mjesta: CALL CENTAR 72 i ispunila očekivanja. Visok stepen štedljivosti spram korištenih resursa. Efekti ovakvog pristupa su pozivani imidž općinske administracije i racionalno korištenje resursa, što podržava politiku kvaliteta na operativnom nivou.

Sabahudin Omerbašić, postigao značajne uštede u budžetu u vođenju javne nabavke po principu: najbolje za najmanje novca, bio dva puta uštednik mjeseca. Značajan iskorak u vođenju općinskih akcija eko-zaštite i uređenja grada.



tešanjski BILTEN

Interno informativno glasilo Općine Tešanj



Izdaje
OPĆINA TEŠANJ

Redakcija

Edina Kadušić, Ferid Mustafić, Svad Huskić,
Kamila Gredelj i Bahrudin Nočić

Glavni i odgovorni urednik
Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj

Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa:

www.opcina-tesanj.ba

Tešanjisko 2011 proljeće

5.

SADRŽAJ

Polaganje cvijeca na mezar Muse Gazima Čatića
12. mart u 17 sati

Promocija Memorijalna izložba Svad Huskić, bariton,
Svade Vajda Đoković
12. mart u 18 sati, CKO Tešanj

50 godina Gimnazije «M. Č. Čatića Tešanj»
14. mart u 17 sati, CKO Tešanj

Mali format, izložba članova ULUBIH-a
15. mart u 18 sati, CKO Tešanj

Predstavljanje knjige B. H. Planjca "Zlatna diploma"
17. mart u 12 sati, OS Rešad Kadić

Nova audicija 4 Željka Ninčića
17. mart u 20 sati, CKO Tešanj

Promocija knjige Safera Grbića Prjestolonasljednikovića
18. mart u 18,30 sat, Biblioteka Tešanj

«Ja ili neko drugi» - Bosansko pozorište Tešanj, premijera
19. mart u 19,30 sat, CKO Tešanj

Promocija knjige pjesama Seada Korajlića Popima i potom
23. mart u 18 sati, CKO Tešanj

Promocija knjige Islamska zajednica u Bosni i Hercegovini u
vrijeme monarhijske Jugoslavije (1918-1947)
25. mart u 18,30 sat, CKO Tešanj

Međunarodni turnir u gošalju
27. aprila u 9 sati, OS Rešad Kadić

«Kirijaz» - pozorište iz Srpske
27. aprila u 18 sati, CKO Tešanj

«Omer i Merima» pozorište iz Brijuni
27. aprila u 20 sati, CKO Tešanj

Čas sjećanja - Praznik 4. aprila
4. aprila u 11 sati, Sve škole, centralni sadržaj srednje škole

Polaganje cvijeca na spomen-obilježja šehidima i poginulim u
svim mjesnim zajednicama
4. aprila u 13 sati

Polaganje cvijeca na centralno spomen-obilježje
4. aprila u 18 sati

Svečano otvorenje povodom 4. aprila - Dana otpora totalizmu
4. aprila u 18,30 sat, CKO Tešanj

Izložba tešanjске ratne periodike 1992-1995.
5. aprila u 18,30 sati, Biblioteka Tešanj

Promocija knjige Ranka Risovića «Gospodska ulica»
6. aprila u 18 sati, CKO Tešanj

Izložba: Navod srednjovjekovne države Bosne, gost dr. Enver
Imamović
15. aprila u 17 sat, CKO Tešanj

Sajam privrede: Biznis 2011.
21-24. aprila, Industrijska zona Bukva

Takmičenje u strelaštvu općinskih osnovnih i srednjih škola
23. aprila u 10 sat, Plato škole Huso Hodžić

Gadanje glinenih golubova
24. aprila u 10 sat, Kiseljak

Smotra stvaralaštva učenika općinskih osnovnih škola
28. aprila u 17 sat, CKO Tešanj

Otkrivanje spomen-obilježja u Mijanovicima
30. aprila u 13 sat, Mijanovi-Lončan

Ovo je čas, veče sa Ilhamijom. Povodom 190 godina smrti. O
pjesniku govori Amir Brka.

Sthove interpretira Mustafa Bešlić
30. aprila u 18 sat, CKO Tešanj

Promocija knjige pjesama Amira Brke «Turistički vodič»
6. maj u 19 sati, CKO Tešanj

Festival rada srednjih škola BiH
7. maj u 11 sati, Sportska dvorana Tešanj

IZABRAN NOVI PREDSDJEDAVAJUĆI OPĆINSKOG VIJEĆA TEŠANJ

Nakon što su vijećnici na 26. sjednici Općinskog vijeća Tešanj izglasali nepovjerenje predsjedavajućem Općinskog vijeća Vedranu Kaseru, i nakon provedene procedure izbora, vijećnici su tajnim glasanjem izabrali novog predsjedavajućeg Općinskog vijeća Tešanj Esmira Subašića.

Koliko ste zadovoljni radom Općinskog vijeća u proteklom periodu?

Ovaj saziv Općinskog vijeća od početka svog mandata prolazi kroz određene turbulencije koje su se neposredno odražavale ponajviše na izvršnu vlast. To pitanje bi se moglo vrlo široko elaborirati i svako bi na svoj način mogao komentirati, zavisno iz kog ugla tu problematiku posmatra, sa koliko informacija raspolože i sa kojom dozom objektivnosti ili navijačkih strasti prema nekoj nastupa.

Ne, imam osjećaj da su svi politički subjekti pomalo nespretno prihvatili politički odnos snaga u OV, pri čemu po prvi puta niko od njih nije obezbjedio većinu. To je od nekih političkih subjekata zašlo ponekad u prvi plan isticati prevashodno principijelnost i dodvoravanje biračima, a manje prisustvo na kreativnom rješavanju istinskih problema.

žem: nažalost, tome su svjesno znali doprinositi i neki članovi OV.

Kako komentarišete nedavnu smjenu predsjedavajućeg Općinskog vijeća?

Općinsko vijeće je demokratska zakonodavna institucija koja odluke donosi većinom glasova, a tu instituciju čine predstavnici određenih političkih subjekata. Kako svi vijećnici pripadaju određenim političkim subjektima, oni su dio njihovog kolektivnog odlučivanja i njihovih politika koje zastupaju u OV, a utemeljene na izbornim platformama, što je sasvim normalno. Da vas podsjetim da mi u OV nemamo ni jednog nezavisnog kandidata koji zastupa isključivo svoj stav i mišljenje. Kada se tako činjenice poslože, stvari su sasvim jednostavne. Zašto su tako odlučili, to određeni politički subjekti znaju i za to su javno spremni preuzeti odgovornost, što su i učinili. Da li je to ispravno ili ne, moje nije da sa ove dužnosti sada komentarišem. Samo mogu reći da se prilikom tako institucionalno donesenih odluka od strane nekih političkih subjekata od toga pravi slučaj u personalnim odnosima. Ko ne može razlučiti personalno ili lično od institucionalnog, ne

Subašić Esmir, BPS; Datum rođenja: 28.5.1961. godine
E-mail: esmir.subasic@opcina-tesanj.ba
Po zanimanju penzioner. Oženjen, otac jednog djeteta.
Nosilac najvišeg ratnog priznanja "Zlatni liličan".

Takvo stanje je uglavnom proizvodilo dosta nervoze kod svih, ali istovremeno moram i konstatovati da je u ovom periodu doneseno puno odluka od značaja za cjelokupnu općinu. Nažalost, o tome se u javnosti manje priča jer građani više "gutaju" afera, pa makar one bile zasnovane na neistinama, nego neke afirmativne odluke i projekte. Opet da ka-

treba se baviti javnim radom, te zato u bilo kakvim personalijama ne želim učestvovati.

Kako vidite rad Općinskog vijeća u narednom periodu?

U svakom slučaju sam optimista. Iskreno očekujem više dijaloga između političkih subjekata, uz više međusobne tolerancije i uvažavanja. Princip jačeg treba izbjegavati. Uosta-



lom, svi smo sutra stariji i iskusniji, te vjerujem da će prevladavati razum i argumenti, a ne navijačke strasti i emocije. Nimalo ne sumnjam da svi vijećnici ovoj općini ne žele dobro. Samo je pitanje metoda kako do dobra doći. Nadam se da će makar važne projekte svi klubovi prepoznati i koncenzusom podržati.

Koji su Vaši planovi kada je u pitanju rad Općinskog vijeća?

Plan rada Općinskog vijeća za ovu godinu je već usvojen, a njegova realizacija je svakako moj primarni cilj. Međutim, pored tih aktivnosti, a u cilju jačanja digniteta Vijeća svoju energiju planiram usmeriti na još nekoliko, po mojem mišljenju jako važnih pitanja ili oblasti, za koje smatram da je vijeće u dosadašnjem periodu trebalo uraditi više i to bi aktivnosti podijelio u dvije grupe:

1) U unapređenju rada Općinskog vijeća planiram:

- Inicirati aktivniji i sadržajiji rad stalnih i privremenih komisija Vijeća

- Pokrenuti proceduru na izmjenama Statuta i Poslovnika sa ciljem da ih usaglasimo koncenzusom

- U cilju jačanja digniteta Općinskog vijeća, važnije odluke putem medija prezentovati javnosti naše Općine

- Unaprijediti rad Općinskog vijeća u tehničkom smislu

2) U rješavanju problematike od općeg interesa građana:

- Nivo saradnje po pitanju zajedničkih interesa sa susjednim općinama podići na viši nivo

- U cilju povećanja odgovornosti za povjerenu misiju i sve raspoložive resurse, ostvariti veću saradnju sa javnim ustanovama i javnim preduzećima

- Stalno jačati saradnju i koordinaciju sa lokalnom izvršnom vlašću, te usvojeni Plan rada OV dopunjavati novim sadržajima sa prioritonom na razvojnim projektima.

BUDŽET OPĆINE TEŠANJ ZA 2011. GODINU

Budžet Općine za 2011. godinu usvojen je blagovremeno na decembarskoj sjednici Općinskog vijeća. Usvajanju Budžeta prethodila je cjelovita budžetska procedura: prikupljanje i obrada zahtjeva, izrada nacрта, provođenje javne rasprave, usklađivanje stavova i izrada prijedloga.

U bilansu Budžeta Općine za 2011. godinu, predviđeni su ukupni prihodi i primitci, bez kreditnog zaduženja i sredstava od emisije općinskih obveznica (finansiranja), u visini od **9.443.000,00 KM**, što je u odnosu plan Budžeta za 2010. godinu više za **12,08%**.


Sredstva finansiranja se odnose na planiranu emisiju općinskih obveznica od **500.000,00 KM** za potrebe uređenja poslovne zone *Glinište* u Jelahu i kreditno zaduženje od **120.000,00 KM** za vodosnabdjevanje i sistem prečišćavanja otpadnih voda.

Kada se u procjenu uključe i sredstva finansiranja od ukupno **620.000,00 KM** ukupan budžet iznosi **10.063.000,00 KM**, što je više od plana za 2010. godinu za **12,75%**. Pored planiranog rasta ukupnih prihoda budžeta, jednim dijelom povećanje prihoda je načinjeno uključivanjem namjenskih sredstava iz ZDK za pomoći i stipendiranje porodica boračkih populacija, a koja su do sada bila evidentirana samo u Budžetu Kantona.

Struktura prihoda, primitaka i finansiranja iskazana je u sljedećem tabelarnom i grafičkom pregledu:

Vrsta prihoda - primitka	Plan za 2010. godinu		Plan za 2011. godinu	
	Iznos	Procent	Iznos	Procent
1	2	3	4	5
Direktni porezi	1.525.000,00	17,09%	1.518.000,00	15,08%
Indirektni porezi	4.070.000,00	45,60%	4.485.000,00	44,57%
Neporezni prihodi	2.135.000,00	23,92%	2.256.000,00	22,42%
Tekući grantovi	140.000,00	1,57%	663.000,00	6,59%
Kapitalni grantovi i primitci	555.000,00	6,22%	521.000,00	5,18%
Prenesena sredstva	0,00	0,00%	0,00	0,00%
Kreditno zaduženje	500.000,00	5,60%	620.000,00	6,16%
SVEGA PRIHODI I PRIMICI	8.925.000,00	100,00%	10.063.000,00	100,00%

Tabela 1. - Struktura prihoda, primitaka i finansiranja za 2010. i 2011. godinu




Grafikon 1. - Struktura prihoda i primitaka za 2011. godinu

Struktura rashodovne strane budžeta u odnosu na 2010. godinu iskazana je u sljedećem tabelarnom i grafičkom pregledu:


R. br.	Vrsta rashoda i izdataka	Plan za 2010. godinu	Procent 4/suma	Plan za 2011. godinu	Procent 6/suma
1	2	3	4	5	6
1	Sredstva za plate i naknade	2.093.000,00	23,45%	2.220.000,00	22,06%
2.a	Direktni materijalni rashodi organa uprave	731.000,00	8,19%	777.500,00	7,73%
2.b	Ostale usluge za opštedruštvene potrebe	1.310.000,00	14,68%	1.375.000,00	13,66%
3	Tekuci grantovi (transferi), kamate i sredstva rezervi	2.575.000,00	28,85%	3.335.500,00	33,15%
4	Kapitalni grantovi (transferi) i izdaci	2.216.000,00	24,83%	2.355.000,00	23,40%
	UKUPNO	8.925.000,00	100,00%	10.063.000,00	100,00%

Tabela 2. - Struktura rashoda i izdataka za 2010. i 2011. godinu

Iskazano povećanje sredstava za plate i naknade vezano je prvenstveno za provođenje zakonskih obaveza prema profesionalnim vatrogascima u PVJ.



Grafikon 2. - Struktura rashoda i izdataka za 2010. godinu



Grafikon 3. - Struktura rashoda i izdataka za 2011. godinu

POTPISANI UGOVORI O STIPENDIRANJU STUDENATA U 2010-2011. GODINI

U Velikoj sali Centra za kulturu i obrazovanje u Tešnju potpisani su ugovori za stipendiranje studenata u studijskoj 2010-2011. godini. Ugovore su potpisali Općinski načelnik Fuad Šišić i 326 studenata sa područja općine Tešanj - svi koji su ispunjavali potrebne kriterije za dobijanje općinske stipendije.



O značaju stipendiranja prisutnim je govorio predsjedavajući Općinskog vijeća Vedran Kaser, a prigodnim govorom studentima se obratio i Općinski načelnik Fuad Šišić. Inače, prema istraživanju Centra civilnih inicijativa, Općina Tešanj zauzima drugo mjesto u BiH kada je riječ o stipendiranju učenika i studenata u posljednje tri godine.



Godina studija	Broj studenata
1. godina studija	104
2. godina studija	90
3. godina studija	73
4. godina studija	56
5. godina studija	2
6. godina studija	1
UKUPNO	326
Vrsta fakulteta	
Ekonomski fakultet	57
Filozofski	35
Pedagoški	26
Pravni	24
Saobraćajni	20
Medicinski	19
Mašinski	13
Prirodno matematički fakultet	12
Ostalo	94
Grad studiranja	
Sarajevo	93
Tuzla	90
Zenica	91
Doboj	40
Ostalo	12

U akademskoj 2010/11 godini općina Tešanj stipendira 326 studenata - 27 studenata automatizmom, 11 studenata sa prosjekom 9 ili više, jedan učenik generacije, 15 porodice poginulih i RVI, ostali su bodovani prema kriterijima.

Broj općinskih stipendija općine Tešanj po akademskim godinama

Akademaska godina	Broj stipendija	Iznos sredstava
2003/04	33	45.759 KM
2004/05	44	71.760 KM
2005/06	38	51.570 KM
2006/07	80	80.000 KM
2007/08	101	101.000 KM
2008/09	235	235.000 KM
2009/10	318	318.000 KM
2010/11	326	326.000 KM
UKUPNO	1175	1.229.089 KM

MANDATAR VLADJE ZDK POSJETIO OPĆINU TEŠANJ

Općinski načelnik Fuad Šišić primio je u četvrtak, 17. februara 2011. godine Mandatara Vlade ZDK Fikreta Plevljaka. Tokom sastanka razgovarano je o trenutnim aktivnostima u Općini Tešanj i planovima za naredni period, kao i o aktivnostima koje će biti realizovane u saradnji sa Vladom ZDK.

Zajednički prioritet Općine Tešanj i Vlade ZDK je zapošljavanje nezaposlenih osoba, a zajednički ćemo raditi i na rješavanju problema kanalizacije i formiranja industrijskih zona, kazao je Općinski načelnik.



Prije konačnog formiranja Vlade ZDK želio sam da obiđem sve općine Zeničko-dobojskog kantona, kako bismo naše prioritete poredali prema stvarnim potrebama općina, istakao je Mandatar Vlade ZDK.

Ovom prilikom Mandatar se sastao i sa predstavnicima političkih partija koje sudjeluju u radu Općinskog vijeća Tešanj (SDA - Amir Kurtić, SDP - Benjamin Smailbegović, SBiH - Munevera Alić, BPS - Sejid Brka). Sastanku su prisustvovali predsjedavajući Općinskog vijeća Vedran Kaser, zamjenik predsjedavajućeg Rasim Omerbašić i Općinski načelnik Fuad Šišić.



RAZGOVOR SA PRIVREDNICIMA

Tokom posjete općini Tešanj, Mandatar Vlade ZDK Fikret Plevljak održao je sastanak i sa privrednicima sa područja općine Tešanj. Kroz razgovor sa privrednicima, Mandatar je saznao osnovne informacije, ali i probleme sa kojima se susreću privrednici.

S privrednicima smo razgovarali o iznalaženju načina za povećanjem zaposlenosti na što efikasniji način, kao i traženju rješenja, šta bi kanton kao administrativna zajednica trebao uraditi da se ambijent zapošljavanja, proizvodnje i poduzetništva poboljša, istakao je Mandatar.

Također, ovom prilikom održan je sastanak i sa predstavnicima vjerskih institucija u Tešnju.



REALIZACIJA LISTE KAPITALNIH PROJEKTA IZ SREDSTAVA BUDŽETA OPĆINE TEŠANJ ZA 2010. GODINU

MZ	Naziv projekta	Budžet 2010	Gradani 2010	Total 2010	Budžet	Gradani	Total	Napomena
Jelah	Kanalizacija	31.000,00	15.000,00	46.000,00	31.489,31	14.500,00	45.989,31 KM	Ugovor potpisan sa KP „RAD“
Kalošević	Vodostabdijevanje – poboljšanje	20.000,00	20.000,00	40.000,00	19.298,02	0,00	19.298,02 KM	Presumjereno na: Izmirenje dugovanja iz ranijeg perioda prema firmi "Hrvič - gradnja" d.o.o. Vukovo – 1.759,00 KM Izmirenje dugovanja iz ranijeg perioda prema firmi "Dobojputevi" d.d. Doboj Jug – 5.141,00 KM Presvlačenje asfaltne podloge puta od mosta na rijeci Usori do priključka na M4 – 12.398,02 KM - ugovoreno
Novo Selo	NC Dom-Beđaci-Park	19.000,00 KM	20.000,00	40.000,00	18.999,46	0,00	18.999,46 KM	Plaćanje duga za raniji asfalt: 10.000,00 + 8.999,46KM za novu dionicu
Raduša	NC Sinanovića guvno	25.000,00 KM	10.000,00	35.000,00	24.980,20 KM	10.000,00	34.980,20 KM	Realizovano
Tešanj	Vodovod Hrvatiniović i-Tepe	30.000,00 KM	10.000,00	40.000,00	13.000,00 2.130,00 3.300,00 1.350,00 11.346,00 1.820,00	0,00 4.700,00	37.646,00 KM	Vodovod Hrvatiniović -Tepe PREUSMJERENO: Uređenje staze: zgrada „Pobjeda“ Sanacija čitaonice „Tugovići“ Sanacija poligona „Gimnazija“ Kanalizacija ul. „Meša Selimović“ Projekat ul. Srebrenička i Nesuha Mešića
Jablanica	LC-11 (Čatin Greb-Zelenika)	20.000,00	10.000,00	30.000,00	0,00	0,00	87.844,16 KM	Realizovano iz drugih izvora (ESCROW - ZDK, GSM-FBiH)
Dobropolje Mekš	NC Dautovača	15.000,00	15.000,00	30.000,00	15.000,00	25.000,00	60.921,85 KM	Realizovano: dodatno iz ESCROW ZDK
Džemilić Planje	NC Mehmedović -Žiljci	10.000,00	10.000,00	20.000,00	15.633,30	0,00	15.633,30 KM	Realizovano: učešće građana neposredno mz-izvođač

Tešanjski bilten - interno informativno glasilo Općine Tešanj

KAPITALNI PROJEKTI								mart/ožujak 2011.
Rijeka Usora	Brane na Usori	20.000,00	0	20.000,00	20.000,00	0,00	20.000,00 KM	Realizovano preusmjerenjem po zaključku Vijeća: Džamija Jelah
Trepče	NC Trebačko brdo	20.000,00	10.000,00	30.000,00	27.395,57	25.000,00	98.615,34 KM	Realizovano: dodatno iz FBiH
Piljužići	Parking ispred džamije	15.000,00	10.000,00	25.000,00	15.000,28	0,00	15.000,28 KM	Realizovano: stolarija, ograda + ZDK parking Učešće građana neposredno
Mrkotić	NC Grič-Pelte	15.000,00	10.000,00	25.000,00	14.946,06	0,00	14.946,06 KM	Realizovano: učešće građana - neposredno
Karadaglije		35.000,00	10.000,00	45.000,00	38.749,46	0,00	38.749,46 KM	Realizovano
	NC Halvadžići	15.000,00	10.000,00		18.616,82	0,00	18.616,82 KM	
	Uređenje mezarja	20.000,00	0,00		20.132,64	0,00	20.132,64 KM	
Opća bolnica	Vatrodajava Bolnica 2. faza	25.000,00	0	25.000,00	25.000,00	0,00	25.000,00 KM	Realizovano
Šije	Kanalizacija Šije	15.000,00	15.000,00	30.000,00	12.440,50	0,00	12.440,50 KM	Ugovoreno
Lepenica-Tešanjka	Vodovod Tešanjka	20.000,00	20.000,00	40.000,00	19.765,45	0	19.765,45 KM	Realizovano Učešće građana neposredno
Razni projekti	Razni projekti	25.000,00	20.000,00	45.000,00	25.574,58	0,00	25.574,58 KM	Osvjetljenje Centralnog spomen obilježja 7.943,00 Sanacija AB grede na Sportskoj dvorani 2.674,227 Kablovi javne rasvjete na okretištu SŠC – 6.044,23 Priključak javne rasvjete Karadaglije – 2.600,00 Razvoj vodovodne mreže „RAD“ 6.313,00 Učešće građana neposredno (rasvjeta)
Stari dugovi mz (dio)	riješeno	25.000,00	0,00 KM	25.000,00	20.000,00	0,00	20.000,00 KM	MZ Karadaglije: 5.000,00 MZ Jablanica: 5.000,00 MZ O. Planje: 5.000,00 MZ Kalošević: 5.000,00
Total		385.000,00 KM	200.000 KM	585.000 KM	377.218,90 KM 97,98%	79.200,00 KM	595.770,67 KM 101,80%	+ građani neposredno sudjelovali (nije uplatama prema budžetu)

POČASNI KONZUL U TEŠNJU

Počasni konzul BiH u Turskoj Ahmet Kemal Baysak posjetio je općinu Tešanj i Općinskog načelnika Fuada Šišića.

Tokom sastanka razgovarano je o mogućnostima povezivanja, kulturne i privredne saradnje.

Ovom prilikom smo razgovarali o načinima povezivanja privrednika i mogućnostima plasiranja naših tešanjskih proizvoda u Turskoj, istako je Općinski načelnik Fuad Šišić.

Počasnog konzula u Tešnju su ugostili Osman i Muhammed Brka i umjetnik Ahmet Hundur.



PRIVREDNICI USK POSJETILI TEŠANJ

Općinski načelnik Fuad Šišić sa saradnicima (Izudinom Ahmetićem, savjetnikom Općinskog načelnika za ekonomiju i Hamzalijom Hojkurićem, pomoćnikom Općinskog načelnika za finansije) u radnu posjetu Tešnju primio je delegaciju privrednika iz Velike Kladuše.

Nakon uvodnog sastanka i prezentacije potencijala općine Tešanj, delegacije su razgovarale o mogućnostima privredne saradnje dvije općine.

Već postoji određena saradnja privrednika ove dvije općine, a današnjim sastankom i posjetom želi se očuvati već postojeća, ali i sagledati mogućnosti za proširenjem buduće saradnje i plasiranja proizvoda na ova dva tržišta, kazao je savjetnik Općinskog načelnika Izudin Ahmetić.

Nakon sastanka u Općini Tešanj, privrednici su obišli firme Mann+Hummel,ba, Koteks, Alpina-bromy i Bellif.



POSJETA NAČELNIKA OPĆINE KLJUČ

Općinski načelnik Fuad Šišić i savjetnik Općinskog načelnika za pristup EU fondovima dr. Ismar Alagić primili su u radnu posjetu Načelnika općine Ključ, Osman

Čehajić
Kulturno-istorijsko naslijeđe je posebno važno u Tešnju, a kroz ovu vrstu saradnje po-



Čehajića sa saradnicima. Razlog posjete je projekat prekogranične saradnje - zajedničko apliciranje općina Tešanj i Ključ i općina iz Sisačko-moslavačke županije (R. Hrvatska) na IPA pretpristupni program pomoći EU.

Cilj današnjeg sastanka je projekat prekogranične saradnje i objedinjavanje zajedničke turističke ponude općina Tešanj i Ključ, kazao je Na-

čelnik općine Ključ, Osman Čehajić

stigli bismo zacrtani cilj, koji je ujedno i naše strateško opredjeljenje, kazao je Općinski načelnik Fuad Šišić.

Očekujemo raspisivanje javnog poziva za projekat na koji ćemo zajednički aplicirati sa općinom Ključ i općinama iz Sisačko-moslavačke županije, dodao je savjetnik Općinskog načelnika dr. Ismar Alagić.

Inače, ovo je prvi put da jedna općina u BiH učestvuje u projektu prekogranične saradnje.

VLADA ZDK: ESCROW SREDSTVA

U Kabinetu Općinskog načelnika, 28. januara 2011. godine potpisani su ugovori za asfaltiranje lokalnih cesta u pet mjesnih zajednica na području općine Tešanj - O. Planje, Raduša, Mrkotić, Trepče i Medakovo.

Radi se o drugoj fazi projekata sa *ESCROW* računa Vlade ZDK u iznosu od 60.000 KM. Ugovore su potpisali Općinski načelnik Fuad Šišić i predstavnici firmi *Transcop do.o. Rosulje* i *AB trans d.o.o. Tešanj*.

Ovo je drugi dio sredstava sa ESCROW računa koje je Vlada ZDK izdvojila za putnu infrastrukturu na području općine Tešanj. Po završetku radova, Kantonalna direkcija cesta izvođačima će uplatiti ugovorena sredstva, kazao je Općinski načelnik.



Inače, Vlada ZDK je sa *ESCROW* računa za putnu infrastrukturu na području općine Tešanj ukupno izdvojila 710.000 KM.

VLADA FBiH: SREDSTVA GSM LICENCI

18. februara potpisani su ugovori i za asfaltiranje šest dionica puteva na području općine Tešanj - put *Hure-*



movići-Brezovača MZ Medakovo, put *Tugovići-Hasanbašići* MZ Tešanj, put *Kotlanice-Kulica* MZ Raduša, put *Pire-Šaćirovići* MZ Dž.Planje, *Staro Kraševo* i *LC M. Han-Raduša*. Radi se o projektima koji će biti finansirani iz sredstava Vlade FBiH (sredstva GSM licenci) u iznosu od 290.000 KM.

Ugovore su potpisali Općinski načelnik Fuad Šišić i predstavnici firmi *AB trans d.o.o. Tešanj*, *Rial šped d.o.o. Doboj Istok*, *Hajdić d.o.o. Maglaj* i *Geo put d.o.o. Maglaj*, koji su nakon javnog poziva izabrani kao najpovoljniji ponuđači.

Za infrastrukturu u 2011. godini na području općine Tešanj (sredstva iz općinskog budžeta, ESCROW sredstva i sredstva GSM licenci) bit će izvojeno oko 3 miliona maraka, tstako je Općinski načelnik Fuad Šišić.

POTPISANI UGOVORI SA NEVLADINIM UDRUŽENJIMA

Potpisani su ugovori za finansiranje projekata nevladinih udruženja za 2011. godinu. Ugovore su potpisali Općinski načelnik Fuad Šišić i 46 udruženja građana sa područja općine Tešanj.

Projekti NVO predstavljaju veliku korist za našu zajednicu. U narednom periodu ćemo raditi na osiguranju većih sredstava u budžetu za ovu namjenu, kazao je Općinski načelnik.

Na javni poziv koji je bio raspisan od 17.11. do 17.12.2010. godine ukupno je pristiglo 106 projekata 58 udruženja.

Nakon provedene procedure, prihvaćeno je 69 projekata od 46 organizacija. U budžetu za 2011. godinu za ovu namjenu ukupno je izdvojeno 233.200,00 KM.



ODOBRENA PRVA EMISIJA OPĆINSKIH OBVEZNICA U FBiH

Povodom odobrenja prve emisije općinskih obveznica u Federaciji BiH u Sali Općinskog vijeća Tešanj održana je press konferencija na kojoj su učestvovali Općinski načelnik Fuad Šišić, partner u projektu Poslovna zona Glinište Muhamed Pilav i savjetnik Općinskog načelnika za ekonomiju Izudin Ahmetlić.

Komisija za vrijednosne papire FBiH na sjednici održanoj 17.02.2011. godine donijela je Rješenje kojim se odobrava prva emisija općinskih obveznica u Federaciji BiH. Emitent obveznica je Općina Tešanj, koja će sredstva prikupljena emisijom koristiti za finansiranje poslovne zone Glinište. Vrijednost emisije je 500.000 KM, s rokom dospeljeća od 3 godine. Obveznice će nositi godišnji prinos od 6%.

Ponosan sam što je Općina Tešanj prva općina u Federaciji koja je krenula sa emisijom obveznica. Na ovaj način brže idemo prema našim prioritetima - nova poslovna zona i obezbjeđenje novih radnih mjesta, kazao je Općinski načelnik Fuad Šišić.

Raduje me što Općina Tešanj ide pravim putem i na taj način obezbjeđuje nova radna mjesta, kazao je Muha-



med Pilav, partner u projektu Poslovna zona Glinište. *Siguran sam da će kupovina općinskih obveznica biti dobar poslovni poduhvat,* istakao je savjetnik Općinskog načelnika za ekonomiju Izudin Ahmetlić. Zaduživanje putem emisije obveznica omogućeno je Zakonom o izmjenama i dopunama Zakona o dugu, zaduživanju i garancijama FBiH iz 2010. godine. Za tehničku realizaciju ove emisije zadužena je brokerska kuća - agent emisije SEE Investment Solutions d.o.o. Sarajevo.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ

Tel: 032 650 022
Fax: 032 650 220

www.opcina-tesanj.ba
e-mail: opcesanj@bih.net.ba

SEE INVESTMENT
SOLUTIONS

Općina Tešanj objavljuje:

Javni poziv za upis i uplatu I (prve) emisije municipalnih obveznica javnom ponudom putem Sarajevske berze / burze vrijednosnih papira

Upis se vrši u periodu od 11.04.2011. godine do 20.04.2011. godine
kod svih ovlaštenih profesionalnih posrednika Sarajevske berze / burze vrijednosnih papira

količina vrijednosnih papira koja se emituje: 5.000 municipalnih obveznica
prodajna cijena: 100 KM (konačnu cijenu, koja može biti i veća, utvrđuje Berza metodom preovlađujuće cijene)
procenat uspješnosti emisije: 60% od ukupno ponuđenog broja vrijednosnih papira
rok dospeljeća: 3 godine od dana proglašenja uspješnosti emisije
godišnji prinos: 6%, a računa se na ostatak glavnice uz primjenu linearnog modela obračuna kamate
isplata anuiteta: godišnja

Prospekt javne ponude municipalnih obveznica može se besplatno dobiti kod emitenta, agenta emisije i na Sarajevskoj berzi / burzi

BANKA DEPOZITAR EMITENTA

Naziv: Vakufska banka d.d. Sarajevo
Sjedište: Maršala Tita 13, 71 000 Sarajevo
Telefon: 00387 (0) 33 28 01 00
Fax: 00387 (0) 33 22 63 81
Web adresa: vakufska@vakuba.ba

Agent emisije: "SEE Investment Solutions" d.o.o. Sarajevo

Sjedište: Obala Kulina bana 25, 71000 Sarajevo

Telefon: + 387 33 27 56 50

Fax: + 387 33 27 56 51

E-mail: info@seeinvestments.ba

Web adresa: www.seeinvestments.ba

U PRIPREMI NOVO RJEŠENJE ZA CENTAR JELAHA

Općina Tešanj je u saradnji sa projektnom kućom iz Sarajeva uradila novo početno rješenje za sam centar Jelaha: sadašnji prostor Doma za kulturu, Zemljoradničke zadruge i Veterinarske stanice. Poručene su četiri varijantna rješenja koja bi obuhvatila prostor za administrativne, kulturne, rekreativne i komercijalne sadržaje sa adekvatnim parking prostorom.



Organi uprave Općine Tešanj su dogovorili da prije dostavljanja Općinskom vijeću na izjašnjenje o usvajanju nacрта ove odluke, svoje mišljenje prethodno iznese i Skupština Mjesne zajednice Jelaha.



SVEČANOST POVODOM DANA CIVILNE ZAŠTITE

U povodu 1. marta - Svjetskog dana civilne zaštite i Dana civilne zaštite Federacije, u Sali Općinskog vijeća Tešanj održana je Svečana dodjela priznanja za 2010. godinu. U svom obraćanju komandant Štaba Fuad Šišić istakao je važnost civilne zaštite za područje općine Tešanj, te se osvrnuo na aktivnosti koje je civilna zaštita uradila u prošloj godini. Prisutnima se obratio i načelnik Štaba Mensur Saletović te istakao aktivnosti u radu i spašavanju za 2010. godinu.



Pismenu pohvalu civilne zaštite za uloženi rad, zalaganje i ostvarene rezultate u zaštiti i spašavanju ljudi i materijalnih dobara od prirodnih i drugih nesreća na području općine Tešanj u 2010. godini su dobili: **Bošnjak Muradif**, Kalošević; **Hačilović Mirjo**, PVJ Tešanj; **Mešinović Rezak**, PVJ Tešanj; **Subašić Kemal**, DVD Tešanj 1905; **Jašić Nedim**, Omladinska ekipa prve pomoći Crvenog križa; **Hasaničević dr. Esad**, Služba hitne medicinske pomoći Doma zdravlja Tešanj; **Mašić Safet**, dobrovoljni davalac krvi i **Alpina bromy d.o.o. Vukovo**.



Zahvalnica civilne zaštite za lično angažovanje kojim se doprinijelo izvršavanju određenih zadataka od značaja za zaštitu i spašavanje su dobili: **JU Centar za kulturu i obrazovanje Tešanj**, **Radio i tv Tešanj d.o.o. Tešanj**, **Teritorijalna vatrogasna jedinica Doboj** i **Specijalna jedinica za podršku MUP-a ZDK**.

KLIZIŠTA U 2010. GODINI

Obilne padavine protekle godine osim poplava prouzrokovale su i veliki broj klizišta na cijelom području općine Tešanj.

Samo u protekloj godini registrirano je 156 klizišta, koja su direktno ili indirektno ugrozila znatan broj stambenih objekata, dok su tri stambena objekta bila iseljena.

Velike štete od klizišta prouzrokovane su i na putnoj i drugoj infrastrukturi. Neka od njih su djelimično sanirana, a za potpunu sanaciju potrebna su adekvatna geološka ispitivanja i znatna novčana sredstva, koja prevazilaze mogućnosti općine.

Klizištima je, prema procjeni, zahvaćeno 160.072,50 m² ili 1,95 % ukupne površine područja općine.



Pregled klizišta po mjesnim zajednicama

Mjesna zajednica	Broj klizišta	Mjesna zajednica	Broj klizišta
Džemilić Planje	8	Karadaglije	8
Bobare-Drinčići-Blaževci	3	Kraševo	1
Bukva	1	Medakovo	13
Dobropolje-Mekiš	5	Miljanovci-Lončari	2
Jablanica	15	Mrkotić	4
Jelah	2	Novo Selo	9
Kalošević	3	Oraš Planje	6
Piljužići	1	Raduša	0
Rosulje	1	Šije	8
Tešanj	24	Tešanjka	11
Trepče	9	Vukovo	2

POTPISAN UGOVOR O DEMINIRANJU PROJEKTA LONČARI-BAŠIĆI

Nakon dvogodišnje aktivnosti i pregovora sa predstavnicima Međunarodnog fonda za deminiranje i pomoć žrtvama mina (ITF) iz Republike Slovenije, općina Tešanj je u 2010. godini potpisala Sporazum o razumijevanju za sufinansiranje projekta deminiranja Lončari-Bašići površine 26.566,06 m².

Do realizacije ovog projekta je došlo nakon što je Općina Tešanj, putem općinskog koordinатора za deminiranje uputila Pismo namjere ovoj organi-

zaciji sa prijedlogom za paritetnim udvajanjem sredstava, što je i prihvaćeno.

Za ovaj projekat Općina je izdvojila 45.000,00 KM budžetskih sredstava, a isto toliko je odobreno od strane ITF-a. Prema posljednjim informacijama ovaj projekat je prošao sve procedure, te se sa boljim vremenskim uslovima očekuje i njegova realizacija na terenu.

DODJELJENA PRIZNANJA KANTONALNOG ŠTABA CIVILNE ZAŠTITE

U povodu obilježavanja 1.marta Svjetskog dana civilne zaštite i Dana civilne zaštite Federacije BiH, 25.02.2010. godine u Zenici je održana svečana sjednica Kantonalnog štaba civilne zaštite, na kojoj su dodjeljena priznanja i zakvalnice najistaknutijima pojedincima i kolektivima Zeničko-dobojskog kantona u provođenju zaštite i spašavanja u 2010. godini.



Za navedene zasluge *Pismena pohvala civilne zaštite* je uručena, između ostalih, i Feridu Mustafiću članu Općinskog štaba civilne zaštite Tešanj i Higijensko-epidemiološkoj službi Doma zdravlja Tešanj.

NABAVLJENA SPECIJALNA OPREMA ZA POTREBE ZAŠTITE I SPAŠAVANJA

Općina Tešanj je putem javne nabavke, Službi civilne zaštite nabavila specijalnu opremu za provođenje mjera zaštite od poplava, zaštite od požara i tehničke intervencije. Radi se o opremi koja treba da osigura efikasnije provođenje navedenih mjera i podigne spremnost organizovanih snaga civilne zaštite, kao odgovor na prirodne i druge nesreće.



Oprema je nabavljena u skladu sa Programom razvoja sistema zaštite i spašavanja 2007-2011. godina iz sredstava posebnog poreza za zaštitu i spašavanje od prirodnih i drugih nesreća.

POTPISANI UGOVORI SA PRAVNIM LICIMA O ORGANIZOVANJU SLUŽBI ZAŠTITE I SPAŠAVANJA

Općinski načelnik potpisao je Ugovore o međusobnoj saradnji u zaštiti i spašavanju između Općine Tešanj i pravnih lica u kojima su formirane službe zaštite i spašavanja. Ugovori su potpisani sa JU DOM ZDRAVLJA "Izudin Mulabećirović Izo" SA POLIKLINIKOM Tešanj, u kojoj je organizovana Služba za medicinsku pomoć, JP RAD Tešanj u kojem je organizovana Služba za asanaciju terena, vodosnabdjevanje i čistoću, JP Veterinarska stanica Tešanj u kojem je organizovana Služba za zaštitu i spašavanje životinja i preduzećem AB TRANS d.o.o Tešanj u kojem je organizovana Služba za spašavanje iz ruševina. Sve organizovane službe čine segment sistema zaštite i spašavanja, a potpisivanje ovih ugovora predstavlja nastavak aktivnosti na uspostavi jedinstvenog sistema zaštite i spašavanja općine Tešanj.

POSJETA VATROGASACA PLINARAMA

U okviru planskih aktivnosti Profesionalne vatrogasne jedinice za 2011. godinu, u ponedjeljak 28.02.2011. godine, upriličena je posjeta preduzećima za promet plina *Istra benz plini* u Kraševu i *Liquivex* u Žabljaku, općina Usora, koja se bave prometom plina.



Cilj posjete je bilo upoznavanje sa stanjem zaštite od požara u ovim preduzećima, uslovima za gašenje požara, pristupnim saobraćajnicama i drugim okolnostima za slučaj gašenja požara.



OPĆINA TEŠANJ

TRG ALIJE IZETBEGOVIĆA 11
032/650-022
WWW.OPCINA-TESANJ.BA



AKCIJA PRIKUPLJANJA

PET AMBALAŽE

SE NASTAVLJA!

- ☞ **SAKUPLJAJMO**
- ☞ **RECIKLIRAJMO**
- ☞ **PROFITIRAJMO**

Idemo dalje!


PARTNERI NA PROJEKTU:
OPĆINA TEŠANJ,
SVE OŠKOLNE I SREDNJE ŠKOLE
NA PODRUČJU OPĆINE,
FIRMA OMORINA-REKOLAŽA I
VRIŠTELJE „EKO-MLADI“.



'EKO-MLADI'
JABLANICA 88 74010 Tešanj
EKOMLADI@TESANJ.BA
032/697 077
061/986 976



Sukupljene količine tokom tekućeg projekta



PLAN I OSTVARENJE U APSOLUTNIM KOLIČNAMA DO 1.1.11.

